



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI

N. 26 DE SU 15/02/2023

OGETU: SERVÌTZIU DE TRASPORTU SCOLÀSTICU A.S. 2023/2024 - CUNFIRMA CUOTAS DE CONTRIBUTZIONI A CÀRRIGU DE IS IMPITADORIS.

S' annu 2023, su 15 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmmini e Sangunau***

Beniamino Garau  
Dessì Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
Eja  
Eja  
Eja  
Eja

**Presentis: 7**

**Ausentis: 0**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

**Postu chi** su Comunu de Cabuderra frunit su servìtziu de trasportu scolàsticu po is alunnus iscritus in is scolas primàrias de su Comunu e is famillias pigant parti a is gastus;

**Ca** ponendi in aplicu s' art. 42, c. 2, lit. f) e s' art. 48 de su D. Lgs. n. 267/2000 sa cumpetèntzia in chistioni de determinazioni de is alicuotas, de is tarifas e de is cuotas de contribuzioni spetat a sa Giunta Comunali;

**Biu** s' art. 117 de su D. Lgs. n. 267/2000, chi at stabiliu ca "Is entis interessaus aprovant is tarifas de is servìtzios pùblicos po assigurai s' equilibriu econòmicu-finanziàriu de s' investimentu e de sa gestioni", sendi chi ànturu de custa disciplina ddoi at finas su servìtziu de trasportu scolàsticu;

**Biu** s' art. 5 c. 2 de su D. Lgs. 63/2017 chi acrarat ca is entis localis "assigurant su trasportu de is alunnas e de is alunnus de is scolas primàrias statalis po ddis permiti de arribai a sa sedi de erogazioni de su servìtziu scolàsticu prus acanta. Su servìtziu est assiguruau cun pagamentu de una cuota de partecipazioni diretta, sena gastus nous o prus artus po is entis territorialis interessaus";

**Biu** finas s'art. 3 c. 2 de su D.L. 126/2019 mudau de sa lei 20 de idas 2019 n. 159, chi at stabiliu ca "Abarrendi firmu su chi narat s'articulu 5 de su decretu legislativu 13 de abrili 2017, n. 63, sa cuota de partecipazioni diretta de parti de is famillias po gosai de is servìtzios de trasportu de is alunnus podit essi, cunforma a is cunditionis de sa famiglia e a segus de delibera, prus bàscia de is gastus de parti de s' enti locali po s' erogazioni de su servìtziu etotu, o finas a zeru, abarrendi firmu s' equilibriu de bilàntziu";

**Cunsiderau** ca su cumbinau dispostu de is articulus 6 c. 1 lit. a), 7 c. 1 lit. a) e 10 de sa L.R. 31/1984 sceberat e ponit a norma is interventus in chistioni de trasportu scolàsticu chi depint essi postus in aplicu de parti de is Comunas;

**Postu chi** sa cobertura finanziària, cunforma a s' art. 117 de su TUEL, est assigurada de is fundus regionalis de sa L.R. 31/1984 e imbenientis L.R. 25/1993 art. 4 e L.R. 2/2007 art. 10;

**Pigau atu** chi su Comunu, cunforma a is normas generalis de sa finàntzia locali e segundu s' art. 11 de sa L.R. n. 31/1984, po assigurai su diritu a su stùdiu e parai fronti a sa dispersioni scolàstica, detèrminat is fàscias de rèdditu po sa contribuzioni de is impitadoris e assigurat sa cobertura finanziària de su servìtziu de trasportu scolàsticu cun is fundus regionalis disponibili e erogaus de sa RAS;

**Biu** s'art. 172 de su T.U. de is Leis asuba de s' ordinamentu de is Entis Localis n. 267 de su 18/08/2000 chi previdit de nci ponni in acàpiu a su bilàntziu de previsionis finas is deliberationis chi ant determinau is tarifas, is alicuotas de imposta, is detratzionis eventualis, is variatzionis de is limitis de rèdditu po is tributis e is servìtzios localis, aici puru is tassus de cobertura in pertzentuali de is gastus de gestioni de is servìtzios a domanda individuali;

**Cunsiderada** sa Deliberationi de sa Giunta Comunali n. 38 de su 22/03/2017 chi at determinau is cuotas de contribuzioni a càrrigu de is impitadoris de su Servìtziu de trasportu scolàsticu cumentzendi de s' annu scolàsticu 2017/2018;

---

**Bida** finas sa Deliberatzioni de sa Giunta Comunali n. 186 de su 16/12/2021 chi at cunfirmau is cuotas de contributzioni a càrrigu de is impitadoris po s' annu scolàsticu 2022/2023;

**Torrada sceda** de cunfirmar finas po s' a.s. 2023/2024 is fàscias de rèdditu e is cuotas de contributzioni a càrrigu de is impitadoris de su Servìtziu de trasportu scolàsticu;

**Arriciu** parri a favori po su chi pertocat sa regularidadi tècnica cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori;

**Arriciu** parri a favori de regularidadi contàbili segundu s' art. 49, coma 1, de su D.Lgs. n. 267/2000, de parti de sa Responsàbili de su Setori Finantziàriu;

## **DELÌBERAT**

**De cunfirmar** finas po s' annu scolàsticu 2023/2024 is cuotas de contributzioni a càrrigu de is impitadoris de su servìtziu de trasportu scolàsticu, adotadas cun Deliberatzioni de sa Giunta Comunali n. 38 de su 22/03/2017;

**De decretar** chi custu provvedimento at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---